

保定府志

第十九冊

卷四十七至四十九

職官列傳

保定府志卷四十七

列傳一

職官一

漢

班彪扶風安陵人舉茂才拜徐令以病免復辟司徒王允府後

察司徒廉爲望都長吏愛之建武三十年卒官

後漢書本傳

楊著仕郡歷五官掾功曹司隸從事仍辟大尉遷定額侯相特

以儒學詔書勅留定經東觀順元邱之指蠲歷世之疑擢拜議

郎遷高陽令德以柔民刑以威姦恩洽化布未期有成復辟司

徒舉治劇拜思善侯相

隸釋楊君碑

劉梁甯陽人桓帝時除北新城長告縣人曰吾雖小宰猶有社

稷苟赴期會理文墨豈本志乎乃大作講舍延聚生徒數百人

朝夕自往勸誡身執經卷試策殿最儒化大行

後漢書

北魏

崔振字延根博陵安平人自中書學生爲秘書中散太和二十
年由咸陽王司馬轉高陽內史高祖南討徵兼尙書左丞留京
振旣才幹被擢當世以爲榮後改定職令振本資惟擬五品詔
曰振在郡著績宜有褒升除太子庶子終

高陽縣志

房悅字季欣解褐廣平王常侍歷遷高陽太守轉廣川普泰中
置南清河仍以悅爲太守凡歷三郡民吏安之遷平東將軍大

中大夫

高陽縣志

庫狄峙其先遼東人徙居代少以宏厚知名善騎射有謀略仕
魏位高陽郡守爲政仁恕百姓頗悅之孝武西遷峙乃棄官從

入關

周書

北齊

李繪平棘人拜高陽內史高陽舊多陂淀繪至後淀水皆涸乃置農正專主勸課墾田倍增家給人足瀛州三郡人俱詣州請爲繪立碑於郡街

大清一統志

崔國字法峻幼好學汎覽經傳多伎藝尤工相術天保初尙藥典御乾明拜高陽郡太守太子家令武平假儀同三司卒於鴻臚卿

高陽縣志

祖鴻勳涿郡范陽人弱冠爲州主簿厯轉至高陽太守在官清素妻子不免寒餒時議高之

北齊書
詳見文苑

田恭其先北平人後家任邱父由爲章武郡功曹恭博雅有度爲高陽縣尉多惠政

高陽縣志

唐

李寰德宗時守博野王庭湊叛寰與樂壽傅良弼固守詔使寰所領士隸右神策號忻州營以寰爲都知兵馬使廷湊之亂聯軍十五萬無成功而樂壽博野截然時中者累歲議者以爲難

新唐書

按李寰非保郡職官因其有德於博野故載入後倣此

五代

王晏球字瑩之洛陽人莊宗賜姓名曰李紹虔拜齊州防禦使戍瓦橋關定州王都反遣人北招契丹晏球敗之於定州橫尸棄甲六十餘里契丹又遣惕隱以七千騎益都晏球遇之於唐河追擊至滿城斬首二千級獲馬千匹以破都功拜天平軍節度使

新五代史

代史

韓通并州太原人周世宗時修隄以扼契丹城李晏口東鹿鼓城邠州博野十餘城時大兵之後遺骸布野通悉收瘞爲萬人

城祁州博野十餘城時大兵之後遺骸布野通悉收瘞爲萬人

塚舊志

宋

侯仁矩平遙人宋初爲雄州刺史治軍多方略歷仕數郡咸有

善政舊志

舊志原作侯仁矩宋初歷祁雄二州刺史今改爲雄州刺史以今祁州非宋初之祁州也詳見本卷末

李漢超雲州雲中人宋初爲關南兵馬都監在郡十七年政平

訟理吏民愛之詣闕求立碑頌德太祖詔准更令徐鉉撰文賜

之太平興國初遷應州觀察使判齊州仍爲關南巡檢二年八

月卒於屯所太宗甚悼惜贈太尉忠武軍節度中使護葬漢超

善撫士卒與之同甘苦死之日軍中皆流涕子守恩宋史

楊重進太原人太平興國中爲高陽關都部署契丹兵至力戰

歿於陣

宋史

李繼隆字霸圖以父廕補供奉官太平興國中護高陽關屯兵從曹彬征幽州破其衆數千南下固安新城進克涿州矢中左股血流至踵獲契丹貴臣一人彬欲上其功繼隆止之俄而傳潛米信軍皆敗衆潰獨繼隆所部振旅而還卽令繼隆知定州

宋史

曹翰大名人太平興國五年詔督役開南河自雄達鄭以通漕運議築大隄以捍之

舊志

崔翰由定國郡節度使爲高陽關兵馬都部署初契丹兵數萬寇滿城翰會李漢瓊兵於徐河河陽節度崔彥進兵自高陽關繼至因合擊之契丹投西山坑谷中死者不可勝計俘馘數萬所獲他物又十倍焉以功擢武泰軍節度使雍熙三年北伐不

利復命翰爲都部署

高陽縣志

李繼宣開封浚儀人雍熙四年爲高陽關行營都監端拱初契丹騎至瀛鎮繼宣率步騎萬人入敵境焚聚落契丹引還時易州候騎不至繼宣于易州平塞軍長城口威虜靜戎順安軍至高陽爲望櫓七所舉烽以候警二年爲鎮定高陽關三路排陣都監押大陳西偏與李繼隆部芻糧抵威虜還渡徐河爲敵追襲繼宣駐軍與鬪殺獲甚衆又領騎二千敗契丹於保州西射城追薄西山有詔褒美淳化三年徙知保州築關城浚外濠葺營舍千五區造船百艘入雞距泉以運糧人咸便之數月改高陽關營行都監課軍中勁弩爲入陳之備徙定州鈐轄扞契丹於唐河景德中與契丹和命爲高陽關鈐轄

宋史

王繼恩陝人雍熙中爲天雄軍駐泊都監自岐溝關君子館敗

績之後河朔諸路城壘多圯四年詔繼恩等分路按行增築之及遣將北伐又爲排陣都監端拱初爲鎮定高陽關兩路排陣

鈐轄

高陽縣志

張昭允衛州人端拱初契丹內擾命爲雄州監軍敵騎乘秋掠境上昭允襲擊之

宋史

郭守文并州太原人端拱初爲北面行營都部署兼鎮定高陽關排陣使是冬遼騎南侵大破於唐河三年十月卒贈侍中謚忠武追封譙王遣中使獲喪歸葬京師守文沉厚有謀略而溫雅未嘗忤人先是將臣致寇邀功諸州殆無甯歲岐溝之敗乃命守文以內職經略守文得祿賜悉以犒士死之日家無餘財士皆流涕帝聞而嗟嘆久之賜其家錢五百萬其女卽章穆皇

后也

高陽縣志

劉福下邳人端拱二年爲雄州防禦使兼本州兵馬部署雄州地控邊塞常屯重兵福至部按行軍壘調鎮兵以給繕完出私錢以資宴犒領雄州五年郡境甯謐

宋史

安守忠字信臣晉陽人端拱中知滄州改瀛州兼高陽關駐泊部署遷瀛州防禦使淳化二年徙知雄州方與僚佐宴飲有軍校謀變擐甲至閤閤者倉卒入白忠言笑自若徐顧左右曰此輩酒狂耳擒之可也人服其量焉守忠謹慤淡薄爲治簡靜所至藩郡樂施予豐宴犒且喜與士大夫遊故時論多與之云

宋史

袁繼忠其先振武人後徙并州以父任補右班殿直太宗朝護高陽關屯兵與崔彥進破契丹長城口殺獲數萬衆璽書褒美時有勸繼忠自論其功者繼忠不答淳化初遷引進使護鎮定

高陽關西路屯兵三年被病召赴關卒年五十五

宋史

孔守正開封浚儀人涇化初擢高陽關副都部署軍中小將有
詈其校長者守正械送關下取裁於上未嘗專決

宋史

張凝無棣人涇化中累遷高陽關行營鈐轄六宅使咸平初契
丹南侵凝據要害斷其歸路縱兵擊之盡奪其掠景德初爲保
州駐泊兼北面安撫使善訓士卒繕完器仗前後賞賜多以犒
師家無餘資

宋史

楊信瀛州人涇化二年知保州門無私謁轉運使言其治狀遷
威虜軍再知保州有戰功嗣與楊延昭久居北邊俱以善戰聞
時謂之二楊

宋史

何承矩河南人涇化中知雄州邊民有告機事者屏左右與之
接款故契丹動息皆能前知至道元年契丹精騎數千夜襲城
下承矩整兵出拒斬馘甚衆眞宗嗣位復遣知雄州嘗詔聽邊

民越拒馬河塞北市承矩疏其非便卽停前詔咸平三年拜引
進使州民詣闕乞留詔書嘉獎復遣之景德二年復知雄州契
丹遣使奉幣承矩以朝廷待邊人之禮悠久可行者悉疏以聞

手詔嘉納

宋史

葛霸真定人姿表雄毅善擊刺騎射淳化元年擢殿前都虞侯
領潘州觀察使爲高陽關副都部署凡七戰召還制授保順軍
節度典郡如故出爲鎮州都部署徙天雄軍咸平三年車駕勞
師於大名霸與石保吉同來覲時康保裔戰沒卽日以霸爲貝
冀高陽關前軍行營都部署

宋史

楊延昭并州太原人本名延朗幼沉默寡言兒時多戲爲軍陳
父業嘗曰此兒類我每征行必以從太平興國中補供奉官徙
保州緣邊都巡檢使咸平初選邊州守臣御筆錄示宰相命延

昭知保州兼緣邊都巡檢使進本州防禦使俄徙高陽關副都
部署在屯所九年延昭智勇善戰所得奉賜悉犒軍未嘗問家
事出入騎從如小校號令嚴明與士卒同甘苦遇敵必身光行
陳克捷推功於下故人樂爲用在邊防二十餘年契丹憚之目
爲楊六郎及卒帝嗟悼之遺中使護櫬以歸河朔之人望柩而
泣錄其三子官其常從門客亦試藝甄敘之子文廣

宋史

韓崇訓字知禮乾德中以廕補供俸官厯官閩越移北邊凡二
十五年咸平二年以勞徙高陽關行營鈐轄移并代六年命爲
鎮定高陽馬步軍都鈐轄屢立戰功兩敗契丹於唐河

宋史

田紹斌汾州人太宗朝以馬步都軍頭出戍鎮定高陽關曹彬
攻幽州爲先鋒指揮咸平二年北面寇警復命爲鎮定高陽關
路押策先鋒隸傅潛潛遣與石普並戍保州普陰與知州楊嗣

議出兵擊討之及夜普嗣未還紹斌疑其敗卽領兵援之普嗣果爲賊所困紹斌至卽合兵疾戰獲一百四十餘人以勞遷

邢州觀察使

宋史

李允則并州孟人眞宗時知雄州河北旣罷兵允則治城壘不輟契丹主日南朝尙修城備得毋違誓約乎有詔詰之允則奏初通好不治完治恐他日頽圯因此廢守邊患不可測也帝以爲然允則善撫士卒皆得其用盜發輒獲人亦莫知所由身無兼衣食無兼味不畜資在河北二十餘年事功最多

宋史

馮守信字仲孚滑州白馬人咸平中知瀛州兼高陽關都部署守信雖在軍旅數以孝經論語爲人講說其治民寬簡有法故人畏愛之歷遷至威塞軍節度使

舊志

康保裔洛陽人眞宗時爲高陽關都部署契丹大入諸將與戰

於河間保裔選精銳赴之契丹圍之數重左右勸易甲馳突以出保裔曰臨難無苟免決戰二日殺傷甚眾兵盡矢絕援不至遂沒焉

宋史

李守贇字子美爲殿前走馬承受時康保裔戰沒或言降賊密詔守贇往察之得其狀詔恤保裔家以守贇爲正定路走馬承受公事累遷高陽關都總管就判瀛州卒贈太尉謚忠僖

宋史

李興字仲舉原武人也咸平二年以東班殿侍隨彰國軍節度使康保裔部郡於高陽關契丹內侵大將恃城千里閉逃保裔以其屬出興提少卒所戰輒破寇博我疾孤堅弗支舉軍陷焉乃以義死時十二月五日也公年四十六有詔贈恤

高陽縣志

宋王安石李仲舉墓誌略公幼而愿恭長而敏武涉書嘉謨將以有爲而卒不克知者傷焉唯忠壯不屈以詒祿于後世而其子實能力承以大厥家爲之銘曰李姓之始明周隱史厥家鄭邦代晦其光公奮自田啟蹟班行匪熊匪

罷彼萬其旅帝徂伐之孰致予武操戈以先所遇斃逃曰
敵可盡其來滔滔終沉于戎唯義之濟閔有傳祿追榮以
暨誰無孫子錫命在幽我以膚功
克稱無羞詒詩後觀有石道周

李重貴河陽人眞宗時爲高陽關行營副都部署康保裔爲敵
所覆重貴與鈴轄張凝赴援腹背受敵自申至寅力戰敵乃退
時諸將頗失部分獨重貴凝全軍還屯凝議上將士功狀重貴
喟然曰大將陷沒而吾曹計功何面目也上聞而嘉之

宋史

王漢忠字希傑徐州彭城人少豪蕩有膂力形質魁岸善騎射
太宗在藩邸召見奇其才力置左右卽位補殿指揮使累遷高
陽關副都部署契丹南侵漢忠合諸軍擊敗之斬馘甚衆咸平
初自中山召歸俄復出爲高陽關都部署進領威塞軍節度咸
平三年改鎮定高陽關都部署三路都排陣使契丹掠中山漢
忠率諸將陳於野契丹遁追斬甚衆獲其貴將加殿前副都指

揮使改領保靜軍節度漢忠有識略軍政甚肅每行師詰旦必行香祝曰願軍民無犯吾令違者一毫不貸故所部無盜性剛果不務小節輕財樂施好讀書頗能詩喜儒士待賓佐有禮名稱甚茂以是自矜尙郡帥不悅

宋史

白守素開封人咸平中爲鎮州鈐轄有據橋射敵功三路禦賊命魏能爲部署慮能強復難共事以守素久練邊計乃命爲鈐轄戍順安以貳景德元年契丹侵長城口守素與能發兵破之賜錦袍金帶

宋史

魏能鄆人也咸平四年爲鎮定高陽關三路前陣鈐轄六年浚順安軍營田河道以扼寇徙鄭州路部署石普屯兵順安之西境詔能與楊延昭田敏埒角爲備景德初破敵長城口斬首級獲兵器甚衆詔賜錦袍金帶復以所部禦寇于順安軍累加領